



Predstavljamo „A. M. Inter-stil“ iz Žepča

Od trupca do namještaja

Ogromne štete od poplava ● Stekli ime u prvom redu u proizvodnji pločastog i masivnog namještaja po mjeri

„A. M. Inter-stil“ iz Donje Golubinje-Rakovice u Žepču, vlasnika Admira Aganovića, jedno je od preduzeća čiji oporavak od poplava 2014. godine još traje. Porodičnu tradiciju u proizvodnji stolarije i namještaja počeo je otac Fehim Aganović 1996. godine. Admir je preuzeo posao i 2008. otvorio preduzeće koje je već steklo ime kada je u pitanju proizvodnja u prvom redu pločastog i masivnog namještaja po mjeri. A u ponudi je više od 15 paleta proizvoda.

Pomoć UNDP-a

Zapošljavaju 12 radnika. Povećanje proizvodnje i veća prisutnost na stranom tržištu zahtijevat će i veći broj radnika. Za sada su, osim na domaćem, prisutni i na švicarskom, italijanskom, austrijskom te njemačkom tržištu.

- Nažalost, 2014. godine



Aganović i Ahmetović: Mladi kreativci

12
zaposlenih

ostajemo bez svega. Štete su bile stotine hiljada maraka, ali zajedno s uposlenicima ponovo smo pokrenuli proizvodnju. Posebnu pomoć imali smo pri kupovini novih mašina od UNDP-a, mada se taj dio u proizvodnji još obnavlja i upotpunjuje -

priča Admir Aganović.

Dodaje kako je proizvodnja namještaja specifična te da su u prednosti oni koji imaju vlastiti kompletan proces proizvodnje, od trupca do gotovog proizvoda, jer ne zavise od drugih. „Inter-stil“ radi upravo na tom principu.

Otvaranje salona

Uz Admira Aganovića je i direktor preduzeća Ajdin Ahmetović. Mladi i kreativni, oni su i dizajneri desetina vrsta pločastog i masivnog namještaja. Namjeravaju se više posvetiti sajmovima, dok je, što se tiče prodaje, u fazi otvaranje salona u Žepču i Zavidovićima.

A. MEMIŠEVIĆ

Nagrada za kuhinju 'Bela'

Firma je smještena na oko 1.000 kvadrata. Posebno je specijalizirana za proizvodnju kuhinja. Godišnje imaju oko 2.000 go-

tovih proizvoda, a o kakvom kvalitetu je riječ svjedoči i prva nagrada za kuhinju „Bela“ 2009. na ZEPS-u.